



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

M5.00

MOELETSI OA BASOTHO

PARARE DOMINO PLEBEM PERFECTAM




Tse 40 li bolaoa
ke lehloa

2

Ba phephethela ho
khaketsoa

7


www.moeletsioabasotho.co.ls


Re se re fumaneha ho
marangrang

Email: newsroom@moeletsioabasotho.co.ls
Tel: +266 28350466/ Whats app: 62600983

MOELETSI

Basotho ba utloa ka letlalo

Tse 40 li bolaoa ke lehloa

Nthabeleng Seithleko

Ke bonyane matlo a 36 ho tlahehoang a senyehile kapa a fefotsoe ke lifefo seterekeng sa Mohale's Hoek, kamora meea e matla e ileng ea foka libakeng tse ngata tsa Lesotho bosiung ba la 10 Phato monongoaha.

Motlatsi oa Likamano

tša Sechaba ho Lefapha la Likoluo(DMA), Mahlape Koali, o itse litlaleho tsa pele li bontša hore matlo a ka bang 14 le 'ona a amehile seterekeng sa Mafeteng.

O itse litlaleho li boetse li amohetsoe seterekeng sa Maseru, haholo-holo libakeng tsa Roma, Morija le Machache.

Ho sa le joalo, setereke sa Berea se tlahele matlo a robeli a anngoeng ke meea eo, ha liphuputso li e-s'o etsoe libakeng tse ling tsa naha ho fumana bohola ba tšeny.

Koali o itse DMA e tla tsoelapele ho beha mae-mo leihlo le ho hokahanya mosebetsi le mekhatlo e amehang ho lekola tšeny le ho fana ka thuso ho sechaba se anngoeng.

O kopile sechaba ho lula se falimehile le ho latela likeletso tsa polokeho tse fanoang ke ba bohlong, haholo-holo kaha maemo a leholimo a mabe a ka 'na a tsoela pele.

Ho sa le joalo, ho tlaheho hore linku tse ka bang 40 li shoele ka lebaka la lehloa seterekeng sa Mokhotlong.



57396597
28 350 815
Mazenod PRINTING HOUSE PVT. LTD.
www.mazenod.co.ls
28 350 466
lesaoanat@gmail.com

Scan me

**U se u ka fumana
buka ea
Malebela ho
marang-rang a
boletsoeng ka tlase
kapa oa sebelisa code
e kaholimo.**

Get the Akello app on Play Store, App Store,
or Huawei App Gallery for Mazenod books
and more. Download now!

<https://library.akello.co/downloads>



57396597
28 350 815
Mazenod PRINTING HOUSE PVT. LTD.
www.mazenod.co.ls
28 350 466
lesaoanat@gmail.com

Scan me

**U se u ka fumana
buka ea
Malebela ho
marang-rang a
boletsoeng ka tlase
kapa oa sebelisa code
e kaholimo.**

Get the Akello app on Play Store, App Store,
or Huawei App Gallery for Mazenod books
and more. Download now!

<https://library.akello.co/downloads>

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsioabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

EMAIL: editor@moeletsioabasotho.co.ls

sub-editor@moeletsioabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seithleko

Tšelis Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404



AfCFTA e tšoara thupelo

Nthabeleng Seithleko

Bongoli ba African Continental Free Trade Area (AfCFTA) bo tšoare thupelo ea matsatsi a mane ea ho aha bokhoni litabeng tsa mekhoha ea ho rarolla liqhoebeshano le khoebo ea thepa, bakeng sa Lekala la Khoebo, likhoebo le ntšetso-pele ea khoebo hammo ho le baemeli ba lefapha le ikemetseng. Tsena li bile ka la 10 Phato monongoaha.

Thupelo ena e reretsoe ho tebisa kutloisiso ea bohle ba nkileng karolo mabapi le mekhoha ea ho rarolla liqhoebeshano, e le ho

netefatsa hore Lesotho le phethahatsa boikarabelo ba lona ba khoebo ka katleho tlas'a tumellano ea AfCFTA.

Ha a bula thupelo ena Letona la Khoebo Mohlomphehi Motlatsi Maqelepo, o itse AfCFTA ke sebaka se seholo ka ho fetisisa sa khoebo e lokolohileng lefatšeng, se kopanyang linaha tse 55 tsa Kopano ea Afrika ka sepheo sa ho theha 'maraka o le mong oa Afrika. O itse sena se tla nolofalletsa tsamaiso ea thepa le litšebeliso ho potoloha le kontinente, hape se matlafatse boemo ba Afrika 'marakeng oa lefatše.

Maqelepo o boetse a re AfCFTA e hlalisa menyetla e meholo ea phetoho ea moruo, ntšetsopele ea lifeme, matsete, tlhahiso ea

mesebetsi le keketseho ea khoebo lipakeng tsa linaha tsa Afrika.

Leha ho le joalo, a re o hlokometse hore menyetla ena e ka phethahala ka botlalo ha linaha tseo e leng litho li e-na le bokhoni bo lekaneng ba mekhatlo, ba ho phethahatsa tumellano ena le ho sireletsa litokelo tsa tsona tlas'a moralo oa eona oa molao.

Hlooho ea moifo oa AfCFTA, Balkissou Alfa Hassan Sido Kabo, o itse thupelo ena e tla thusa bohle ho utloisisa ka botlalo boikarabelo ba bona ho netefatsa katleho ea 'maraka o kopaneng.

O itse sepheo sa mantlha sa AfCFTA ke ho matlafatsa likamano tsa moruo lipakeng tsa Mafrika ka ho

theha 'maraka o moholo le o sireletsehileng oa thepa le litšebeliso.

Kabo o tiisitse bohlokoa le mokhoa o hlakileng le o bulehileng oa ho rarolla liqhoebeshano, kaha o fana ka moralo oa molao o sebetsang hantle, o potlakileng le o sebetsang bakeng sa ho rarolla liqhoebeshano tsa khoebo.

Mookameli oa Lefapha la Molao Sekolong se Seholo sa Sechaba (NUL), Dr. Lehlohonolo Ramokanate, o itse tsebo ea melao ea AfCFTA e tla ba molemo haholo ho Lesotho, kaha naha ena hajoale e itšetlehile haholo ka melao ea boahloli e sebetsanang le liqhoebeshano tsa kahare ho naha.

O itse tumellano ena e tla thusa ho khotaletsa toka,

kaha linaha tsohle tse nkang karolo li tla tataisoa ke melao e tšoanang, leha li na le melao ea tsona e fapaneng ea khoebo e le linaha tse ikemetseng.

Motšehetsi oa thupelo Tsotang Tsietsi, o itse tumellano ea AfCFTA e bula monyetla oa hore Lesotho le fihlelle limmaraka tse kholoanyane. O hlalositse hore Lesotho le na le lihlahisoa tse ngata tse ntle, ho kenyeletsoa thepa le litšebeliso, empa bothata ke hore 'maraka oa tsona o ntse o le monyenyanane.

O itse ho nka monyetla ka AfCFTA ho ka thusa likhoebo tsa Basotho ho atolosa limmaraka tsa tsona le ho rekisa lihlahisoa le litšebeliso tsa tsona linaheng tse ling tsa Afrika.

WIDE FORMAT PRINTING

We offer durable, affordable & quick turnaround wide format prints. We can provide multiple options for indoors and outdoor applications - as well as produce any size you can imagine

FOR YOUR FUTURE
WE CARE



Call or whats App: +266 28350815/
22350224/ 68078124 (Whats app)

BANNERS

SIGNS

POSTERS

PRINTS

MOELETSI O TŠEHETSA BACHA

Tšeliso Thakholi

Har'a e meng ea menyetla e meholo ea boipheliso eo bacha ba ka e sebelisang ke khoebo ea tlhahiso ea mahe. Mahe a hlahisa chelete e ngata haholo hobane a sebelisoa let-satsi ka leng. E kaba ke malapeng, mesebetsing, lihoteleng le likhoebong. Mofumahali 'Mampho Phakela (21) oa TY se-terekeng sa Berea, ke mocha ea ntseng a le monyenyanane haholo li-lemong ea seng a ena le lelapa, eo khoebo ea mahe e fetotseng bophelo ba lelapa la hae haholo. O re qoqela ka tsa bohlokoa ba khoebo ea mahe le ho hlokomelisa bacha hore bophelo bo teng khoebong ea tlhahiso ea mahe.

BOHLOKOA BA KHOEBO EA MAHE

'Na ha ke tla theha khoebo ena ea tlhahiso ea mahe ke qalile pele ka ho etsa boithuto ba likhoeli tse peli ka bohlokoa

ba khoebo ea mahe. Ka ithuta hore mahe ke li-matlafatsi feela tse theko e tlase haholo tse bileng li fumanehang habonolo. A thusa ho loantša tlala le khaello ea phepo e nepahetseng. Ka boela ka ithuta hore ke khoebo e ka thehang mesebetsi e mengata e fapakaneng e le 'ngoe. Mohlala kena le bacha ba babeli bao mosebetsi oa bona e leng ho bo-keletsa mahe ha likhoho li qeta ho behela, le ho oa hlatsoa ka makhetha a maholo. Ke boele ke be le ba babeli ba a arolang ka mekhahlelo ea ona le ho oa tšela 'li-trying' ka mokhoa o khahlang maholo haholo. Ke boetse ke na le a le mong ea shebaneng feela le litaba tsa lithekiso. Bohlokoa bo bong ba khoebo ea mahe ke ho boloka chelete ea naha hore e se ke ea tsoela kantle ho ea reka mahe, empa e 'ne e pota-pote kahare kaha ho etsa joalo ho matlafatsa bophelo ba rona le moruo oa naha.

ITHUTE KA KHOEBO

Bacha ba heso joaloka-ha ke itse ke qalile pele

ka ho etsa boithuto taba eo e bohlokoa haholo ho ithuta ka khoebo eo o batlang ho e qala, e seng feela ho ba le taba-tabelo ea ho tla etsa chelete. Ke ile ka qala ka ithuta hore na khoho ea mahe hantle keng le hore na phapang ea eona le likhoho tsa Sesotho le tsa nama ke efe. Ka ithuta ho fepa likhoho, mefuta ea mafu a li khathatsang, thibelo ea mafu, ho rekisa le ho bua le bareki bakeng sa ho fumana 'maraka.

QALEHO EA KHOEBO

Ke qalile khoebo ena ea tlhahiso ea mahe ka 2024 ka likhoho tse 55 feela, empa ea re ha khoebo e ntse e hola ka e ketsa ka ba le tse 100. Ha joale kena le likhoho tsa mahe tse 250. Ke ile ka ithuta hore mahe h'a na litšenyehelo tse ngata haholo. Ke qalile khoebo ke le mong ka tšehetso ea batsoali ba ka, empa hona joale ke sebetisa le bacha ba bahlano empa re atisa ho ba leshome ha mosebetsi o le mon-gata. Ke ile ka ithuta hore hona le liphoso tse kholo tse tharo tseo ka mehla batho ba qalang khoebo

ea likhoho tsa mahe ba e etsang. Ea pele ke ho qala ka likhoho tse ngata haholo ka khopolo ea hore o tla etsa chelete e ngata hang hang. Athe ha ho joalo. Qala hanyenyane ithute mocha oa hae-so ebe u holisa likhoho tsa hao hantle ka palo e lekaneng.

LIKATLEHO LE LIQHOLOTSO

Ke atlehile ho hira bacha ba bahlano bao ke reng ke ba nako eohle. Re se re ena le likhoebo tse tharo tseo re li isetsang mahe ka linako tsohle. Re rekisetsa le bo-'m'e le bo-ntate ba baitšokoli ba phehang mahe le ho oa rekisa seterateng. Re na le bareki ba tlang kabo mong ba tlang ho tla reka mahe. Tšebeli-sano 'moho e mofuthu le basebetsi bao ke sebet-sang le bona ke katleho e kholo. Liqholotso lingata feela nka qolla tse seng kae feela. Theko ea lijo e nyoloha khafetsa ha theko ea poone e qala e nyoloha. Re khathatsoa ke mafu a atisang ho tšo-ara likhoho ebe lia atisa ho shoa, che leha e se kaofela. Mahe a tsoang

kantle ho naha ka nako e 'ngoe a ba theko e tlase ho feta rona. E be a rekoo haholo ho feta a rona.

KELETSO HO BACHA

Ke khothaletsa bacha ba ka lakatsang ho kena khoebong ena hore ba se nahane lintho tse mohlolo, empa ba qale hanyenyane ka likhoho tsa mahe tse 50 ebe ba se ba ithuta ho tloha hona moo ba tla atleha. Ke rata ho pheta taba e hlolang e bua mona leqepheng lena la bacha, ea hore mocha eba le lerato le mamello ea seo o se et-sang. Se ke ea re hao qala o kopana le liqholot-so ebe o se o nyahama o akhela thaole. Tiisetsa ho ba khoebo ena le liqholotso tse ngata. Se ke oa khahlola feela ke khoebo e itseng ha e atlehile, empa eba le lerato le seo o se etsang. Khoebo ea mahe e batla mocha ea nang le boite-lo. Kenang ka bongata khoebong ena, kaha re hloka bahlihisi ba banga-ta ba bacha ba tlang ho thiba chelete e ngata ea Lesotho e ho holelang ho ea reka mahe linaheng tse ling.



Meea e matla e ama likolo

Nthabeleng Seithleko

Baithuti ba Sekolo sa Mathomo sa Mt. Carmel e Mpharane ba ile ba iphumana ba lokela ho khutlela malapeng ka la 10 Phato monongoaha, kamor'a hore meea e matla e senye karolo ea sekolo e nang le liphaposi tse tharo tsa ho rutela.

Mosuo-e-Hlooho oa sekolo Lelingoana Moroke, o netefalitse taba ena, a re boetapele ba sekolo bo ne bo se na boikhethele ha e se ho lokolla baithuti molamong oa polokeho ea bona.

O itse marulelo a karolo e amehileng a ile a fefoloa ke moea 'me a oela holim'a moaho oa 'Science Lab', le ntlo ea ho phehela ea sekolo le eona e ile ea ameha.

Boemo bona bo beha boetapele ba sekolo le ba amehang tsamaisong ea thuto kapel'a phephetso ea bohlokoa, ea hore na ho ka sireletsoa bana joang ha maemo a leholimo a senya meaho ea thuto.

Ho khutlisetsoa ha baithuti malapeng ho ka thusa ho qoba likotsi hanghang, empa ho boetse ho bolela ho sitisoa ha thuto, haholo haeba meaho e sa lokisoa ka potlako. Sena se totobatsa bohlokoa ba boetapele bo nang le merero ea tsohanyetso, tlhokomelo ea meaho ea likolo le tšebeliso lipakeng tsa likolo, sechaba le ba bohlong taolong ea likoluo.

Ho sa le joalo, Motsamaisi oa Likoluo oa DMA, Lebohang Moletsane, o hlalositse hore libakeng tseo ho ne ho na pula, 'me tsela ea lehlohlojane ea Ketane hammoho le libaka tse kang Ha Tlhabeli le 'Malifatjana li ne li thella, e leng se neng se etsa hore likoloi li thelle.

O itse ho bohloko hore batho ba bang ba ile ba iphanyetsa litemoso tse fanoeng ke setsi. Moletsane o hopolitse sechaba hore maeto a sa hlokalang a lokela ho chechisoa nakong ea maemo a leholimo a kotsi, a totobatsa hore taolo ea likoluo ke boikarabelo ba bohle.

Lefapha la tsa Bolepi (LMS) le boletse e sa le pele hore ho ka ba le lehloa lithabeng, le mabalane ho tloha ka la 9 Phato ho fihlela Labobeli, hammoho le serame se matla ho tloha ka Mantaha oa la 10 Phato ho

fihlela ka Labone.

Ha phetoho ea maemo a leholimo e ntse e eketsa likotsi tsa likoluo, boetapele bo hloka ho se emele tšenyho hore e et-sahale pele bo nka khato. Ho bohlokoa ho matlafatsa tlhokomelo ea meaho ea likolo, merero ea tsohanyetso, phatlalatso ea litemoso le tšebeliso lipakeng tsa mekhatlo e amehang.

Poloheho ea ngoana e lokela ho ba eona ntlha ea pele. Ha meea e matla e ka fefola marulelo a sekolo, boetapele bo tlameha ho netefatsa hore boikarabelo ha bo felle feela ka ho khutlisetsa bana malapeng, empa e kenyelletsa le mehato ea ho khutlisetsa thuto ka polokeho le ka potlako.



Ba phephethela ho itšetleha ka bafani

Nthabeleng Seithleko

Bacha ha ba lokela ho nkoa e le baetapele ba bokamoso feela, empa hape e le bo-rakhoebo, baithaopi le baahi ba nkang karolo ka mafolofolo ntlafatsong ea naha. Letona la Tekano, Bacha le Ntlafatso ea Sechaba, Mohlomphehi Pitso Lesaoana, o boletse tsena ketekelong ea Letsatsi la Bacha ka la 12 Phato monongoaha.

O itse ho hlokalang hore naha e tsetele ho bacha ka thuto, ntšetsopele ea likhoebo, marang-rang le lipapali har'a tse ling. O re o hlokometse hore thokeho ea mesebetsi har'a bacha, khaello ea litsebo le menyetla e fokolang ea khoebo e ntse e le liqholotso tse kholo tse tobaneng le bacha.

A boela a hlalosa hore 'muso o se o tloha mananeong a shebaneng haholo le ho arabela lithoko tsa bacha, ho ea mererong e shebaneng le ho ba bulela menyetla. O qotsitse lenaneo la Sebatso e le e 'ngoe ea merero e joalo.

Ka lehlakoreng le leng Letona la Temo, Phepo e Nepahetseng le Tlhahiso ea Lijo Mohlomphehi Salibe Mochoboroane o itse bacha ba lokela ho kenella temong le makaleng a mang a hlaisang mesebetsi e le tsele ea ho fihlela boipuso ba moruo le ho theha menyetla ea mesebetsi.

Mochoboroane o khothalelitse bacha ho etsa mesebetsi e hlaisang che-

lete, e le hore ba khone ho iphepa le ho thehela ba bang mesebetsi. O itse 'muso o entse matsete a maholo thutong ea motheo, empa Lesotho le ke ke la itšetleha ka thuto feela ntle le ho theha menyetla e tla thusa bacha ho kenya tsebo ea bona tšebetsong.

O hlalositse Lekala la

reka literekere, ha bajalefa bona ba tla fuoa koetliso e hlokalang. O khothalelitse bacha ho sebelisa thuto ea mahlale haholo temong, haholo-holo taolong le thibelong ea likokoanyana le mafu a lijalo. O kopile Basotho haholo bacha, ho eketsa tlhahiso ea lijo kahare ho naha, le ho fokotsa ho

naha.

Moteuli o itse bacha ba batla moruo o etelletsoeng pele ke lekala le ike-metseng, moo ba ka thehang likhoebo, ba hlalise thepa le litšebeliso le ho kenya letsoho ntlafatsong ea naha.

O itse bacha ba bang ba se ba ntse ba hlalisa thepa, empa ba tobana le bothata ba ho fumana limmaraka, 'me a totobatsa bohlokoa ba tšebetso le tšebeliso e betere. O itse mokhatlo o ntse o sebetsa ho theha tokomane ea bacha e tla hlalisa lintho tse tlang pele ho bona.

Mothehi le Motsamaisi e Moholo oa Queer Worx Bokang Bane, o itse ho kenyeletsa bohle ke karolo ea bohlokoa ntlafatsong ea moruo, haholo ha ho raloa mananeo le maano a shebaneng le bacha.

O itse palo ea sechaba le mehloli e meng ea lintlha li bohlokoa ho utloisisa lihlopha tse fapaneng sechabeng le ho netefatsa hore ha ho motho ea qheleloang ka thoko menyetleng ea moruo, litšebeliso tse tšireletsong.

O boetse a re 'muso le balekane ba ntšetsopele ba lokela ho netefatsa hore mananeo a shebaneng le bacha a lula a hlalojoa ho bona hore na ke bo-mang ba ruang molemo ho 'ona.

Keteko ea Letsatsi la Machaba la Bacha e fane ka monyetla oa hore bacha le bankakarolo, ba buisane ka litsela tsa ho matlafatsa seabo sa bacha moruong le ho aha Lesotho le ike-metseng haholoanyane ka moruo.



Temo e le lekala la bohlokoa Lesotho, a re le kopanya mahlale, marang-rang le boqapi, kahoo le hloka bacha ba nang le tsebo le litsebo. O itse bacha ba 48 ba bile har'a bajalefa ba literekere tse 100 tse sa tsoa abua Ha-Foso, a re sena sea khothatsa kaha bajalefa ba ile ba fihlela lithoko 'me ba kentse letsoho tlhahisong ea lijo e le khoebo.

Letona le boetse la re 'muso o sebetsa le Banka ea Poso ho thusa Basotho ho fumana likalimo tsa ho

itšetleha ka lijo tse tsoang linaheng tse ling.

Tumelo Moteuli setho sa 'Youth Dialogue Initiative', o itse mokhatlo oa bona o kopanya bacha ba limelo tse fapaneng, 'me o se o sebelitse le bacha literekeng tsohle tsa naha. O itse bacha ba tsoenyehile ka liphetho tse etsahalang lefatšeng, ho kenyeletsa le phokotseho ea tšebetso e tsoang ho bafani, 'me nako e fihlile ea hore bacha ba nke boikarabelo bo bohlo ntlafatsong ea moruo oa

Letšolo la kanyeso le tsoelapele

Nthabeleng Seitlheko

Mokhatlo oa Baki oa Qiloane o re matšolo a ho ruta le ho khothaletsa sechaba ka bohlokoa ba ho nyantša bana, a lokela ho tsoela pele le kamor'a Beke ea Lefatše ea ho Nyantša. Tsena li hlehelletse ka la 8 Phato monongoaha.

Mongoli-Kakaretso oa Mokhatlo David Matšela, o re sechaba se lokela ho lula se fumana tsebo e nepahetseng ka ho nyantša e le hore bo-'m'e ba tsebe ho etsa liqeto tse nepahetseng pele ba qala ho nyantša, nakong eo ba ntseng ba nyantša le ha ba etsa qeto ea ho emisa.

O boetse a re malapa a lokela ho tseba mokhoa oa ho tšehetsa bo-'m'e ba nyantšang, kaha thuto ea nako eohle e le eona e ka etsang hore boiteko ba ho khothaletsa ho nyantša bo

atlehe.

Matšela o khothalelitse bo-'m'e ho nyantša bana feela ho tloha tlhahong ea bona ho fihlela ba le likholeli tse tšeletseng, pele ba qala ho fua lijo tse tlatsetsang. O itse lebese la letsoele le na le limatlafatsi tse hlokahalang e bile le fumaneha habonolo, kahoo le bohlokoa kholong le ntlafatsong ea ngoana.

O hlalositse hore ho nyantša feela ho bohlokoa hape hobane ho ka thusa ho fokotsa kotsi ea phetiso ea HIV ho tloha ho 'm'a ho ea ho ngoana.

O tiissitse hore bo-'m'e ba lokela ho latela likeletso tsa bophelo bo botle mabapi le ho nyantša, ho sa natsoe hore na ba tseba boemo ba bona ba HIV kapa che, ha ba se ba khethile ho nyantša.

Matšela o itse thahasello ea ho nyantša e bonahala e fokotseha har'a basali, haholo-holo bo-'m'e ba bacha le ba qalang ho ba le bana. Leha ho le joalo, o amohe-tse hore motho e mong le e mong o na le tokelo ea ho etsa liqeto tsa hae, empa a

re ho bohlokoa hore liqeto tseo li lumellane le likeletso tsa bophelo bo botle.

Beke ea Lefatše ea ho Nyantša, e neng e tsoeroe ho tloha ka la 1 ho isa ho la 7 Phato monongoaha, e ne e le tlasa sehlooho se reng: "Ho Nyantša Bakeng sa Qalo e Tšehetsang Bophelo: Ha re Matlafatse se Sebetsang."

Ho ea ka Mokhatlo oa Lefatše oa Bophelo (WHO), beke ena e ne e totobatsa bohlokoa ba ho nyantša bakeng sa pholoho ea bana,

phepo e nepahetseng, kho-lo le bophelo bo botle ba bo-'m'e.

WHO e khothalelitse mebuso, litsi tsa bophelo bo botle, mekhatlo ea sechaba le malapa ho matlafat-sa tsamaiso ea bophelo bo botle hore bo-'m'e le ma-sea ba fumane tšebetso e nepahetseng mabapi le ho nyantša.

Ho boetse ha khothaletsoa ho atolosa tlhabollo ea sechaba le mananeo a tšebetso ho bo-'m'e, ho kenya tšebetsong melao e

laolang papatso ea lihlahi-soa tse nkelang lebese la letsoele sebaka, hammoho le ho tsetela matsatsing a phomolo ea bakhachane a lefuoang le maano a tšehet-sang bo-'m'e libakeng tsa mosebetsi.

WHO e boetse e khothalelitse hore tšehet-so ea ho nyantša e kenyeletsoe litšebelatsong tsa bophelo bo botle nakong ea bokhachane, pelehi le kamor'a pelehi, 'me e tsoele pele le maemong a likoluo a libakeng tse tlokotsing.



Bana bohle ba lokeloa ke liente

Nthabeleng Seitlheko

Ha Lesotho le atamela mokete oa lilemo tse 60 tsa boipuso, Immunisation Network of Civil Society Organisations Lesotho (INCL) e thusa hore ente ha se feela tšebeliso ea bophelo bo botle, empa ke letsete la bohlokoa bokamosong ba naha, 'me e lokela ho nkoa e le taba ea mantlha ea naha. Tsena li boletsoe ke Molula-Setulo oa INCL Puseletso Nthunya, nakong ea ho hlalisoa ha Letšolo la Ente la Boipuso ka la 10 Phato monongoaha.

O itse ngoana e mong le e mong ea entiloeng o bontša lelapa le phetseng hantle, sechaba se matla le naha e nang le batho ba sebetsang hantle.

O itse letšolo lena le retsoe ho bokella tšebetso ea sechaba le ho khothaletsa boikarabello bo kopanetsoeng tabeng ea lichelete tsa ente, bobuelli le ho sebelisoa ha litšebeliso tsa ente.

Nthunya o itse letšolo lena le boetse le reretsoe ho kopanya mafapha a fapakaneng hore ba buelle matsete a tsitsitseng a tla

sireletsa meloko e tlang le ho matlafatsoa tsamaiso ea bophelo bo botle ea naha.

O itse ho fihlela tekanyo e phahameng le e lekanang ea ente ho hloka tšebelisoano lipakeng tsa 'Musu, mekhatlo ea sechaba, balekane ba ntšetsopele, mekhatlo ea bolumeli, likhoebo tsa ikemetseng, marena le baetapele ba bochaba, bo-ralitaba le sechaba ka bo sona.

"Ka bobuelli ho bokella sechaba, ho bokella lisebelisoa le ho sebetsa le sechaba, mekhatlo ea sechaba e ka thusa Lesotho ho fihlela pono ea ho isa ente e pholosang bophelo ho ngoana e mong le e mong le ho netefatsa hore ha ho ngoana ea sallang morao," o boletse joalo.

Nthunya o itse leha liente li fumaneha ka lenaneo la naha la ente, ho ntse ho na le litšitiso tse amang hore li fihlelle palo ea bana ba entoang.

O itse sechaba se sengata sa Lesotho se lula libakeng tse lithaba le tse hole 'me ho fihla Litsing tsa Bophelo ho leng thata, haholo nakong ea maemo a mabe a leholimo. Sena se ka baka hore bana ba hloloe ke menyela ea ho entoa kapa ba liehe ho fumana liente ka nako e behiloeng.

O boetse a totobatsa ho

se tšepe liente ke litumelo tse fosahetseng ka tsona e le bothata bo bong bo amang ente. A re sena se fokotsa hore malapa a ameha litabeng tsa bophelo bo botle, 'me se nyahamisa bahlokomeli ho isa bana ho ea entoa. O itse tšepo ea sechaba ho liente e lokela ho lula e matlafatsoa ka lipuisano le sechaba khafetsa.

Nthunya o boetse a re tlhokomeliso e fokolang sechabeng, bana ba sa kang ba fumana ente leha e le 'ngoe (zero-dose) le bana ba khaolitseng lenaneo la ente pele ba le phethela (defaulters), hammoho le mathata a moruo le sechaba a kang bofuma, tlhokeho ea mesebetsi le khaello ea lijo, le tsona li sitisa tsamaiso ea liente.

O itse mekhatlo ea sechaba e sebetsa e le katoloso ea tsamaiso ea bophelo bo botle, haholo libakeng tse hole tsa lithaba le libakeng tse sa fihlelloeng habonolo. A re marang-rang ana a metse a thusa ho felisa lintho tse kang puo le sekhobo se amanang le bokooa, ka hona a netefatsa hore ha ho lelapa le setseng morao.

Nthunya o itse INCL e lumela ka tieo hore ho sireletsa bana ka ente ke boikarabello bo arolelanoang ke

sechaba sohle. O itse ka tšebelisoano e matla, ho bokella lisebelisoa le bobuelli bo hokahaneng, kahoo Lesotho le ka tsoela pele ho eketsa palo ea bana ba entoang le ho fihlela libaka tse sa fihlelloeng habonolo.

O kopile litsi tsa 'musu, balekane ba ntšetsopele, likhoebo tse ikemetseng, mekhatlo ea sechaba, mekhatlo ea bolumeli, litsi tsa thuto e phahameng, bo-ralitaba le Basotho bohle ho kopanya matsoho le Network ho tšehetsa letšolo lena le mesebetsi ea lona.

Ka lehlakoreng le leng Rorisang Mpale o itse mekhatlo ea sechaba e filoe boikarabello ba ho fihla metseng le metsanang e hole ho netefatsa hore bana bohle ba fumana liente.

O itse e 'ngoe ea litšitiso tse bakang hore bana ba khaotse kapa ba se ke ba qala lenaneo la ente, ke puo e sebelisoang libukeng tsa bophelo bo botle.

A re bahlokomeli ba bang ba sitoa ho utloisisa lintlha tse ngotsoeng libukeng tsena hobane litaba tsa liente li ngotsoe ka Senyese-mane. O boetse a re lingaka tsa setso le tsona li lokela ho fua tlhokomeliso ka bohlokoa ba liente, e le hore li utloisise molemo oa tsona 'me li tsebe ho khothaletsa

sechaba ho enta bana.

Ho sa le joalo, ho thehoa ha INCL ho qalile ka Loetse 2024 kamor'a thupelo e tšehelitsong ke Gavi e neng e tsoaretsoe Thaba-Bosiu. Ho tloha ka nako eo, Network e se e holiile ho ba le kopanelo ea mekhatlo ea sechaba e fetang 30 ea lehae, tlas'a boetapele ba Litsi tsa Likereke tsa Bophelo (CHAL), e ikemiselitseng ho khothaletsa tsamaiso e lekanang ea liente, ho matlafatsoa tšebelisoano le sechaba le ho tšehetsa boiteko ba naha ba ho enta.

Ho thehoa ha Network ho susumelitsoe ke tlhokomeliso ea hore ho fihlela ente e tsoarellang le e fihlelang bana bohle, ho ke ke ha itšetleha feela ka litšebeliso tsa litsing tsa bophelo.

Ho hlokahala tlhokomeliso ka liente, tse khothalletsang batho ho li batla, tse sebetsanang le litšitiso le ho netefatsa hore ngoana e mong le e mong ea lokelang ho entoa o fumana ente e pholosang bophelo.

Tseba boemo ba hau u alafshoe

Lehaha la 'Malibe le sibollotsoe

Nthabeleng Seithleko

Bahlophisi ba Mokete oa Bochaba oa 'Malibe o tsoareloang Kolojane, Berea, ba hlophise tse mesebetsi e mengata e reretsoeng ho hlokomelisa sechaba ka menyetla ea bohahlauli e ka thusang ho ntlafatsa bophelo ba baahi ba libakeng tsa mahaeng.

Mesebetsi ena e reretsoe ho tsoaroa nakong ea lehlabula, ha mekete ea Selemo se Secha sa Basotho e ntse e qala ka Loetse Monongoaha.

Mothehi oa Mokete oa Bochaba oa 'Malibe, 'Matšepo Sello, ka la 11 Phato monongoaha, o itse Lesotho le na le libaka tse ngata tse khahlang baha-

hlauli, empa bohola ba tsona ha bo sebelisoa ka botlalo, e leng se etsang hore sechaba se phele bofummeng, leha se na le mehloli e ka se thusang ho ntlafatsa moruo le bophelo ba sona.

Sello o itse Lehaha la 'Malibe ke se seng sa libaka tsa bohlokoa tsa lefa la Kolojane, kaha le na le bohlokoa bo bohola nalaneng le bochabeng ba Basotho. Leha ho le joalo, o re sechaba se phelang tikolohong ea lehaha se ntse se sa une molemo ka ho lekaneng, leha mokete oa bochaba oa 'Malibe o tsoaroa selemo le selemo ka Hlakubele.

O itse bohahlauli bo ka ba le seabo se seholo ntšetsopele le kholong ea moruo haeba bo sebelisoa ka nepo, 'me mesebetsi e reriloeng e tla thusa ho ruta sechaba ka menyetla e teng tikolohong ea Lehaha la

'Malibe.

Menyetla eo e kenyetsetsa ho aha matlo a bolulo bakeng sa bahahlauli ho palama lipere, metjeko ea setso, ho rekisa lijo tsa setso le mesebetsi ea matsoho, har'a tse ling.

Sello o re morero ona o ikemiselitse ho fetola tse la eo sechaba se shebang bohahlauli ka eona, le ho se khothaletsa ho sebelisa menyetla e hlalisoang ke Lehaha la 'Malibe.

O supile hore bahahlauli ba etelang libaka tsa mahaeng tse kang Kolojane ha b'a lokela ho tla feela ho tla bona lehaha, empa ba lokele ho fumana le lintho tse ling tsa boithabiso le bochaba tse hlophisitsoeng le ho ntšetsa pele ke sechaba sa moo.

Ho ea ka Sello, nalane ea sebaka sena e bolela hore Lehaha la 'Malibe le ile la sibolloa ke Morena Seeisa,

e mong oa bara ba Morena Moshoeshe I, ea ileng a romeloa ho tloha Thaba-Bosiu hammoho le batho ba hae ho ea sireletsa le ho lebeli naha karolong e ka bochabela ea Lesotho.

O itse lehaha le ile la rehelloa mafahla a bitsoang Libe le Libenyane, a ileng a tsoaloe ke mosali oa Morena Seeisa nakong eo ba neng ba lula sebakeng seo. O ile a re sehlopha seo se ile sa fumana lehaha le loketse ho ba qhobosheane ea bona ea tšireletso.

Sello o boetse a hlalosa hore sebaka seo se ne se na le likolobe tsa naha tse neng li bitsoa 'likolokane', e leng se ileng sa etsa hore sebaka seo se tsejoe e le Kolojane, Ha-Seeisa, joalo ka ha se tsejoe kajeno.

O itse lehaha lena le ntse le le bohlokoa ka lebaka la litšoantšo tsa khale tse pentiloeng mafikeng, tseo

ho lumeloang hore li bontša hore batho ba Basotho ba Khoisan ba kile ba phela sebakeng seo.

Ho boetse ho na le phoro ea metsi kahar'a lehaha, moo lingaka tsa setso le batho ba etsang litloaello tsa moea ka linako tse ling ba etsang litšebeliso tsa bona.

Ho sa le joalo, Leano la Naha la Ntlafatso ea Leano la Bobeli (NSDP II), le ileng la eketsoa nako ea tšebetso ea lona, le supa bohahlauli e le e 'ngoe ea makala a bohlokoa ao naha e ka a sebelisang ho sebelisa mehloli ea lefa la naha molemong oa khola ea moruo.

Leano lena le boetse le tobatsa bohlokoa ba ho ntlafatsa le ho baballa tikoloho le libaka tsa naha, e le ho theha menyetla ea boikhatollo, bohahlauli le matsete mesebetsing e khethiloeng ea bohahlauli

Lihoai li phahamele mapoqo

Nthabeleng Seithleko

Lihoai li khothaletsoa ho nka mehato esale pele ka ho fetola linako tsa ho lema, ho ntlafatsa tsamaiso ea metsi le ho sebelisa mekhoe ea temo e baballang tikoloho, ka lebaka la monyetla o moholo oa ho ba teng ha El Nino selemong sena. Litaba tse na li boletsoe Sebokeng sa Bahlohleletsi ba Khoebos ea Temo le Thibelo ea Komello se neng se tsoaretsoe Maseru, ka la 12 Phato monongoaha.

Moemeli oa Mokhatlo oa Lijo le Temo (FAO), Mokitinyane Nthimo, o itse phokotseho ea pula e lebelletsoeng e ka ama tlhahiso ea lijalo hammoho le mehlape. "Nako ke ntho ea bohlokoa. Lihoai ha lia lokela ho emela hore komello e qale ho ama mesebetsi ea tsona pele li nka mehato," ho boletse Nthimo.

O itse lihoai li lokela ho tseba linako tse loketseng tsa ho lema le ho khetha mefuta ea peo ho latela boemo ba leholimo. O boetse a re taolo ea komello e hokahane ka kotloloho le taolo e nepahetseng ea metsi.

"Re ke ke ra atleha ho laola komello haeba re sa laole metsi." O khothalelitse ntlafatso ea bokhoni ba mobu ho boloka mongobo, ho kotula le ho boloka metsi bakeng sa linako tsa komello, hammoho le ho tsetela litšebetsong tsa nosetso.

Nthimo o boetse a khothalelitse hore tsebo ea bochaba le ea matsoalloa e kopanngoe le mahlale a sejoale-joale ho etsa hore lite moso tsa pele tsa boemo ba leholimo li be molemo ebile li utloisisehe sechabeng.

O lemositse hore makhulo le mehloli ea metsi li se li le tlas'a khatello, a bontša hore ho na le merero e lekaneng ea ho kotula le ho boloka metsi pele mehloli e meng e ka omella.

O boetse a hatella bohlokoa ba ho hlokomela mobu le ho matlafatsa kamano lipakeng tsa metsi, matla le polokeho ea lijo e le mokhoa oa ho aha boitokisetso khahlanong le liphe-toho tsa maemo a leholimo.

Ka lehlakoreng le leng, Motsamaisi e Moholo oa Banka ea Standard Lesotho, Samuel Seboka o itse tšebeliso lipakeng tsa lihoai, 'muso, balekane ba ntšetsopele le mekhatlo ea lichelete e bohlokoa ho thusa Lekala la Temo ho mamella likoluo tsa maemo a leholimo. "Lihoai li hloka litaba tse sa fumanehang feela, empa tse utloisisehang le tse ka sebelisoang," ho boletse Seboka.

O itse likhakanyo tsa boemo ba leholimo ha lia lokela ho amoheloa feela e le litaba, empa li lokela ho fetoleloa liketsong tse ka thusang lihoai ho etsa liqeto ka nako. O boetse a tobatsa bohlokoa ba tšireletso ea lijalo ho thusa lihoai ho fokotsa tahlehelo e ka bakoang ke maemo a leholimo a mabe.

Ho sa le joalo, setsebi

litabeng tsa boemo ba leholimo, ebile e le 'muelli oa Lesotho Meteorological Services (LMS), Ramolenyane Lethaha, o itse ho ntse ho e-na le lekhalo le leholo tabeng ea ho fetisetsoa litaba tsa boemo ba leholimo ho lihoai ka tsela e utloisisehang.

O itse LMS e ntse e ntšetsapele sesebelisoa sa boemo ba leholimo (weather application) se tla fetolela litaba tsa mahlale hore li utloisisehe habonolo, ha se ntse se kenyeletsa tsebo ea Basotho.

Lethaha o hlalositse hore El Nino e amana le liphe-toho tsa mocheso oa metsi Leoatleng la Pacific, tse ka bakang pula e fokolang le mocheso o phahameng. O itse nako ea ho tloha ka Pulungoana ho isa ka 'Mesa e bohlokoa haholo bakeng sa Lesotho.

"Liteko tsa hajoale li bontša monyetla oa lipere-sente tse 100 oa El Nino." O itse ketsahalo ena e ka ba matla empa ea nka nako e khutšoane, 'me ho ka etsa-

hala hore maemo a fetohele ho La Nina ka Hlakola. O boetse a re Phato e tla ba khoeli ea bohlokoa ho ntlafatsa likhakanyo tsa pula tsa sehla se tlang.

O hlalositse hore liketsahalo tsa El Nino li arotsoe ka mekhahlelo e mene, e fokolang, e mahareng, e matla le

mobu le ho lokisetsoa mehlape.

Seboka sena ke karolo ea boitoko ba ho matlafatsa boitokisetso le mamello ea Lekala la Temo Lesotho khahlanong le phetoho ea boemo ba leholimo le monyetla oa komello.

Ho sale joalo, e mong oa



e matla haholo.

Bahlohleletsi ba khothalelitse lihoai ho sebelisa likhakanyo tsa boemo ba leholimo le lite moso tsa pele ho etsa liqeto ka nako mabapi le ho lema, khetho ea peo, paballo ea metsi, nosetso, tlhokomelo ea


lihoai tse bileng 'mokeng ona, Rethabile Mahlomo-la, o hlalositse hore taba ena e re koekoe ea morao e tla tloha le sepolo. O re lihoai tse ngata li ntse li sebelisa litloaello ho kenya peo mobung, empa linako li fetohile, kahoo ba lokela ho thakeloa ka malebela khafetsa ho iphumana ba hlalisa lijo maamong ohle.

Letona la Mehlang la Temo, Litšoane Litšoane o hlalositse hore ha ba utloa ka El Nino ba ne ba nyahame ba sa bone bohlokoa ba ho kena temong, kaha lijalo tsa bona li senngoa ke mocheso. "Moea o phahame re tla potlakela temo, kaha e le setšabelo sa rona, haholo ha li banka li fana ka tšebetso hore qetellong temo e ntlafetseng Lesotho" ke eena eo.





MOB Kidds Edutainment



Across

- 4 Matla a phethehisang moea, a o sekamisetsang botleng. (9)
- 6 Qalo e 'ngoe ea mahloko. (9)
- 8 Ponahatso e bonahalang e behiloeng ke Morena oa rona Jesu Kriste ho re fa grasias, kapa ho e eketsa. (10)
- 9 Qalo ea matšoenyeho ohle. (6)
- 10 Bokhabane bo fetang matla a botho bo re thusang ho kholoa linnete tsohle tse senotsoeng ke Morena Molimo.(6)
- 11 Sebopuoa sa Molimo se nang le 'mele le moea o sa shoeng. (5)
- 12 Ketsahalo e fetang matla a motho, e ka etsoang ke Morena Molimo. (7)
- 14 Lentsoe la Molimo le ngotsoeng ka tšusumetso ea Moea o Halalelang.(6)

Down

- 1 Nehelo ho Morena Molimo ea ntho e hlabiloeng ho paka hore ke eena 'Mopi.(9)
- 2 Lithapelo, liketso le lintho tse ling tse hlohonolofalitsoeng ho re fumanela lithuso ho Morena Molimo. (12)
- 3 Kopano ea bakriste ba phelang ka tumelo ea 'nete. (6)
- 5 'Nete e fetang kutloisiso ea rona, eo re tšoanetseng ho e lumela hobane e senotsoe ke Molimo. (7)
- 7 Bokhabane bo fetang matla a motho, bo re thusang ho lebella ka mokhoa o tiileng grasias ea Morena Molimo.(5)
- 11 Moea o senang ho qala le ho fela, o nang le phetheho eohle. (6)
- 13 Karohano ea moea le 'mele. (4)

Likarabo tsa Puzzle MOB 94-4638





TSA KEREKE

Mobabatsehi Mabathoana ke seqapi sa 'mino

Tšeliso Thakholi

Moprista oa Kereke e Katholike e bile e le mokoetlisi Mophatong oa Maoblata oa Villa Maria Quthing, Fr. Motlatsi Selbourne Pita OMI o re har'a mesebetsi e mengata eo Mobabatsehi Emmanuel Mabathoana a tlotloang le ho hopoloa ka eona, ke ho ba seqapi sa 'mino o monate oa Kereke le oa lihlopha tse fapakaneng tsa 'mino. O buile tsena puisanong

puo ea Selatini ka tumello ea Ntlo-Kholo ea Kereke naheng ea Italy. A bontša hore boqapi ba hae litšebelatsong tsa Kereke bo ne bo ipapisitse hantle le mantsoe a Mopapa Puis XII, "a reng lifela li tsoanela ho ba le mantsoe a bonolo le molumo o bobebe." A re tsebo ea hae ea lipuo tse fapakaneng tse kang tsa Selatini, Sepeli, Sesotho, Setswana, Sekhooa, Sefora le Setaliana li ile tsa mo thusa haholo ho fetolela lifela tse binoang lefatšeng ka bophara puong e mathe maloli ea

ke boikano boo sechaba sa Basotho se lokelang hobo hopola ka mehla. H'a liella likhala o re Mobabatsehi Mabathoana o re sietse letlotlo la lipina tse ka bang 40 ka palo, "me ke ntse ke ena le tšepo ea hore lihlopha tsa Kereke kapa tsa sechaba li tla keteka senatla sena ka letsatsi le leng ka boqapi bona bo hloahloa boo a re sietseng bona le ho ithuta thuto ea bohlokoa ho eena."

(Li sa tla)



le koranta ena ntse e le ntšetso pele ea ho tšoa ketekelo ea lilemo tse 60 Naha ea Lesotho le tsa sehopotso sa lefu la hae. O re Mobabatsehi Mabathoana o ne a ena le neho e khetheliheng ea lerato la 'mino oa litšebelatsong tsa Kereke. "Mopapa Pius XII ha a bua ka 'Mino o Halalelang o re lifela tsa lehae li na le matla ho khahla bakriste le ho ba khantšetsa tumelo ea bona." A rialo. A supa hore khelekehali ena ea 'mino le molisa oa Kereke o ile a qapa ka makhetha a maholo 'Missa oa Cecilia ea Halalelang bakeng sa ho keteka Jubilee ea Kereke ka 1962. "Hape o ile a qapa 'Missa oa Bashoela Tumelo ba Uganda ka

Sesotho. Har'a lipina tse ngata tseo a ileng a li fetolela puong ea Sesotho, o ile a etsa mohlala ka lipina tse kang, Ha re eeng ho 'Magrasia e fumanehang lifeleng tsa bakriste No. 206 le 'Oh come to the throne of grace'. A re ha Naha ea Lesotho e ntse e ithophela ho tla keteka Mokete o Moholo oa Boipuso, Mobabatsehi Mabathoana o ile a qapa pina e bitsoang Lesotho. "Pineng ena ke moo a reng, Lesotho fatše la Bakoena, u tumme ka hohle! u tsejoa ke tse ling lichaba! 'Me li u hlonephe. Re tla u loanela Lesotho, lefatše la rona." O boletse joalo a bile a tisa hore molaetsa oa pina ena o matla haholo, kaha

Thapelo ea Khotso

Oho Molimo oa toka le khotso, re hlonolofatse rona baahi ba Lesotho, 'me u re thuse ho phela khotso le leratong la hao.

"Morena, nketse mosebetsi oa khotso ea hao. Moo lehloeo le leng teng, ke jale lerato. Moo batho ba fosetsaneng, ke jale tsoarelo. Moo lipelaelo li leng teng, ke jale tumelo. Moo batho ba nyahameng pelo, ke jale tšepo. Moo lefifi le leng teng, ke tlise leseli, Moo masoabi a leng teng, ke jale thabo. Molimo oa ka, etsa hore Ke se ipatlele ho tšelisoa, ke mpe ke tšelise ba bang. Ke se ipatlele ho utloisisoa, ke mpe ke be ea utloisisang ba bang. Ke se ipatlele ho ratoa, e mpe e be 'na ea ratang ba bang, Hobane ke ka ho fana, re fumanang, ka ho tsoarella, re tsoarelloang. Ka ho shoa, re tsoalloang bophelo bo sa feleng.

Amen."

2025-2026 SELEMO A

SONTAHA SA 20 HAR'A SELEMO



Isaia 56:1.6-7
Pesalema 66
Ba-Roma 11:13-15.29-32
Matheus 15:21-28

Khothatso



Mosali oa Makanana

Moprofeta Isaia o re pholoho ke ea ba lichaba tsohle, ha ba etsa tse lokileng 'me ba boloka melao ea Molimo. Moapostola Paulosi o bolella balichaba hore ba fumane mohau ho Molimo ka baka la ho se mamele ha Bajodi. Evangeli eona e re bontša kamoo Jesu a neng a sota tumelo le phehelo ea mosali oa mohedene 'me a arabela thapelo ea hae ka ho folisa morali oa hae.

Lithuto tsena tse tharo, li re ruta seo re se pheteloang khafetsa hore Kriste o tile ho pholosa batho bohle, e seng Bajodi feela.

Isaia o bua le Bajodi ha ba se ba khutlile khohong ea Babilona 'me ba se ba nchafalitse Tempele ea Jeruselema. O ba bolella hore topollo ea batho bohle e tle etsa hore ba tlaale ka thabo ka tlung ea Molimo ea thapelo, 'me ntlo ena e tla bitsoa ntlo ea thapelo ea lichaba tsohle.

Moapostola Paulosi, Mojodi oa sebele, ha a se a inehetse ho Kriste, o ile a leka ho khutlisetsa ho Molimo bana babo Bajodi ba bang. Ha a ne a kena motseng ofe kapa ofe, o n'a qala kamehla ka ho bua le Bajodi le ho bontša hore Jesu ke Messia. Ba bang ba ne ba sokoloha, empa ha a n'a bona hore ba latela Kriste, joale o n'a rethela ho balichaba.

Ka ho etsa joalo, o n'a latela mohlala oa Jesu ea neng a qeta lilemo tse tharo a ntša leka ho kholisa Bajodi hore ke eena Messia. Ha re hlahloba mehlolo e entsoeng ke Jesu, re fumana hore bongata ba eona bo ne bo etselitsoe Bajodi. Jesu o ile a etsa mehlolo e 'meli feela ho thusa balichaba. O mong ke oa kajeno, ha a folisa morali oa mosali oa Moganana. O mong ke ha a utloa thapelo ea molichaba e mong, molaoli oa masole. Jesu o n'a rata ho khutlisetsa sechaba sa Bajodi tseleng, hobane ene e le sona sechaba se khetheliheng sa Molimo. Ha Bajodi ba hana, joale a bolella hore kamoso bahedene ba tla nka sebaka sa bana ba Abrahamah leholimong.

Topolo e se phethahetse, 'me rona bakriste, re sechaba se secha, se khetheliheng sa Molimo. Sechaba se secha sa Molimo se nkileng sebaka sa Sechaba sa Bajodi. Kereke ke eona ntlo ea thapelo ea lichaba tsohle. Bohle ba kenang ho eona ka Hlatsuo ba etsoa bana ba Molimo, bana babo Kriste le majalefa a leholimo. Kereke ke ntlo ea thapelo. Bohle ba kenang ho eona ba tsoanetse ho boloka melao ea Molimo le ho tšepahala ho eena 'musong oa hae o lefatšeng, ba tle ba amoheloe 'musong oa hae leholimong.

Bajodi e ne e le sechaba se khetheliheng sa Molimo, ba ne ba ithorisa ka hona, empa ba hlokile botšephehi. Ka baka lena bana ba fofala 'me ba sitoa ho bona le ho utloisisa hore Jesu ke eena Messia eo esaleng ba mo lebeletse.

Ka baka la ho hloka botšephehi ho Molimo, maikutlo a bona a ne a fetohe, ba talima ntho tsohle ka mokhoa oa lefatše e seng oa Molimo; ho e-na le ho sebeletsa Morena Molimo le ho mo tšepa, ba ne ba polotika, ba ipatlela 'muso oa lefatše.

Se hlahetseng Bajodi se ka 'na sa re hlahela le rona bakriste, litho tsa sechaba se secha sa Molimo, ha re lumela ho fofatsoa ke menate ea lefatše lena le ke tšebelatsong ea maruo le maiketlo a lona, re se na sebaka sa ho hopola Molimo le ho ipatlela maruo a sa boleng bophelo bo sa feleng.

Mohl'a lefu la rona, moahloli oa rona ha a na ho re botsa hore na re na le likhomo tse kae kapa chelete e kae bankeng. O tla re botsa holim'a botšephehi ba rona ho Molimo, tšebelatsong ea hae, hlonephe ea lebitso la hae, le kamoo re ileng ra labalabela kateng ho kena 'musong oa leholimo le ho latela Kriste, ka ho boloka melao ea hae. Ka baka lena, re tsoanetse ho hlokomela, esere mohlomong ra tsoana le Bajodi, 'me ra amohua bojalefa ba leholimo.

Thuto e 'ngoe e khetheliheng eo re e fumaneng kajeno ho mosali enoa oa Moganana ke tumelo ea hae le phehelo ea hae. Mokriste o tsoanetse ho rapela kamehla, 'me ha rapela, o lokela ho tlotlisa Molimo le ho mo leboha. Empa, le eona thapelo ea kopo ea hloka thapelong ea rona ea matsatsi 'ohle. Efela re hloka ntho tse ngata bakeng la 'mele le moea. 'Me Kriste o re khothaletsa ka ho re: "Kopang le tla fuoa."

Mosali enoa oa Moganana o ne a rapela ka tumelo le ka phehelo. A qala ka ho lumela hore Jesu o na le matla a ho mo etsa seo a se kopang. Ha Jesu a feta a sa mo tsotelle, a tsoela pele ho kopa phahello. Jesu a mo araba ka hore oa mo khathatsa 'me a ke ke e etsa joalo. Teng, mosali a mo bontša hore ho mo fa seo a se kopang hase ho senyetša Bajodi. Mantsoe ana a hae a ne a paka tumelo e kholo, 'me ka baka la tumelo ea hae le phehelo ea hae, Jesu a arabela thapelo ea hae 'me a folisa morali oa hae.

A re ikopeleng tumelo e joalo. Mosali enoa oa Moganana, eo evangeli e sa re bolelleng lebitso la hae, a ke a re rute ho rapela le ho kopa joaloka eena ka tumelo le phehelo.

Bahalaleli har'a Beke

17	Phato	Hiero
18	Phato	Helena
19	Phato	Sebald
20	Phato	Ronald
21	Phato	Cyriaca
22	Phato	Martial

LDF Ladies e kopana le bahlorisi



Tšeliso Thakholi

Bompoli ba bacha ba Liki e Kholo ea Bolo ea Maoto ea Basali, LDF Ladies ba tla botsana lipotso le sehlopha sa Gaborone United Ladies, lithholisanong tsa

bompoli ba linaha tsa Afrika tse hapileng li-iki linaheng tsa habo tsona. Lipapali tsena li tlii'o tsoareloa Gaborone, Botswana, ka la 20 ho isa la 29 Phato monongoaha.

LDF Ladies e tlii'o qala ho bula lithholisanano tsena khahlanong le Gaborone United Ladies ea Botswana lebaleng la Gaborone United

ka la 20 Phato monongoaha. Lekhetlo la pele ha ene e qala ho bapala lithholisanano tsena ka 2021, e ile ea iphetola nteteng, kaha e ne e shapuo ke Double Action Ladies ea hona Botswana ka 6-0 Mokhahlelong oa A 'me eaba ea hlatsoa jesi hang hang.

Papali ea bobeli ea LDF Ladies e tlii'o ba khahlanong

le sehlopha se matla haholo sa ZESCO Ndola Girls ea Zambia ka la 22 Phato, 'me papali ea ho qetela ea eona lipapaling tsena tsa Mokhahlelo oa A, e tla koebana le Herentals Queens ea Zimbabwe ka la 24 Phato e leng moo ho tlang ho hlaka hore na lihlopha tse phunyeletsang ho ea bapala lipapali tse hlahlamang ke life.

Barati le batšehetsi ba bolo ea maoto ea basali ba tla be ba behile tšepo e kholo ea bona ho likhalala tsa LDF Ladies, ho latela tšebetso e tsoileng matsoho ea sehlopha lipapaling tsa Liki e Kholo ea selemo se fetileng, moo LDF Ladies e neng e etse nalane e ncha ha e bula litsela tse eona tsa ho tla mohopeng ona ka ho hapa lipapali tse 16 tsa eona, ea hlaba lintlha tse 83 ha ile ea bokeletsa lintlha-kholo tse 50 ka mokotleng. LDF Ladies e bile sona feela sehlopha se sa kang sa hloloa lipapaling tsa liki ngoahola.

Kantle le ho hapa liki ke eona e ileng ea hahar'a mehope e mengata ka lebaka la ho ipabola ha libapali tsa eona. Ho feta mona e boetse ena le libapali tse 'maloa tse bapalang lihlopheng tse

kholo tsa naha tse kang Mehalalito e sa Likhosatsana. Leha e sa ka ea bapala lipapali tse ngata tsa machaba tsa setsoalle, LDF Ladies ena le libapali tse ngata tse nang le boiphihlelo ba hore na lithholisanano tsa machaba li bapaloa joang.

LDF Ladies ho tloha e sale e kenela lipapali tsena, ha e-s'o phunyeletse ho ea ho makhaola-khang a tsona, e leng eona e tlang ho thusa lihlopha tse 'ne tse tlang ho atleha ho ea ho makhaola-khang ho fetela ka kotloloho lithholisanong tsa Mohope oa COSAFA. Ho sa le joalo, lipapali tsena li arotsoe ka mekhahlelo e 'meli e leng A le B.

Haele ho Mokhahlelo oa B bompoli ba hapileng mohope ona ka makhetlo a mabeli e leng Mamelodi Sundowns Ladies ea Afrika Boroa e tla bapala le Nsingizini Hotspurs ea Eswatini ha Costal do Sol Ladies ea Mozambique e tla momana habohlolo le Silver Strikers Ladies ea Malawi. Lihlopha tse 'ne tse tlang ho ikhapela tlhoho li tla fetela ho seka-makhaolakhang le ho makhaolakhang a tlang ho bapaloa ka la 29 Phato monongoaha.

Lipapali tsa Liki e Kholo li'a qala

Tšeliso Thakholi

Mokhahlelo oa pele oa lipapali tsa Liki e Kholo ea bolo ea maoto Lesotho o bulang selemo se secha, o lebelletsoe ho tla qala ka la 22 Phato monongoaha kamor'a phomolo e telele ea selemo se fetileng sa lipapali, moo Sehlopha sa Majantja 'Funya Fehle' sa Mohale's Hoek se tlang ho amehela sehlopha se secha liking ea lihlopha tse kholo e leng FC Summit.

Selemong se fetileng sa lipapali sehlopha sa Lijabatho ea Morija ke sona se ileng sa sebetsa ka thata ho ngola nalane e ncha, e tlang ho hopoloa ke meloko e tlang ka ho ba sona sehlopha sa pele se nang le lilemo tse tharo se le lihlopheng tse kholo sa ho ikhapela Mohope oa Liki e Kholo. Se ile sa phamola Mohope ona ho Lioli ea TY kamor'a hore e o hape lilemo tse tharo tse latellanang.

Lijabatho e seng e ntse e itokisetse ho tla kopana le CFFA ea Madagascar lipapaling tsa mokhahlelo oa pele oa Mohope oa CAF Champions League lipakeng tsa la 4 le 6 Loetse

monongoaha, le eona e tla amohela sehlopha se secha sa Mzamane lipapaling tsa pele tse bulang selemo se secha sa lipapali. Haele lipapali tse ling sehlopha sa Lioli e tlii'o loanela ho khutlisa mohope oa eona, 'me e tla kopana le LDF 'Sohle Sohle'.

Sehlopha sa Linare se tla amohela LMPS, LUFC e tla kopana le pela lifalla ha e tlabae e thulane le Lifofane nakong eo e tlabeng e khutlisetsa bohloko boo e ileng ea bo utloa ho eona kam-

or'a hore e shapuo ke Kaizer Chiefs ka 3-1 Lebaleng la Setsoto libeke li se kae, lipapaling tsa machaba tsa setsoalle e le tsa ho itokisetse lipapali tsa Liki e Kholo. Mosotho oa khale o ne a opile khomo lenaka h'a re ha e iphetetse ka e e hlabileng!

Tse ling tsa lipapali tse tlii'o ba matla tse qalang selemo ke tsa Members le Matlama le Manonyane le Bantu. Members le Manonyane ha li qala liki feela le bahlankana ba e-s'o tiie

mangole hantle ba se ba fuoa meepa, kaha lihlopha tseo ba tlii'o bapala le tsona ke tse matla haholo kahare ho Liki e Kholo. Ha lia ka tsa ebe le phomolo e ngata haholo joaloka tse ling kaha li hlile tsa qalella pejana ho itlhopha.

Haele lihlopha tse seng li tsoile Liking e Kholo ho khutlela ho e ka tlase ea Mokhahlelo oa A Division ke Liphakoe ea Setereke sa Quthing le Maroala ea Setereke sa Berea e neng e sa tsoa kena lihlopheng tse

kholo selemong se fetileng sa lipapali.

Liphakoe e phethetse selemo se fetileng ka ho hapa lipapali tse peli, ea lahlehelo ke tse 15, 'me ka mokotleng ea tsamaea e ena le lintlha-kholo tse 18. Athe Maroala e ile ea hapa lipapali tse tharo, ea lahlehelo ke tse 21 ea tsamaea ena le lintlha-kholo tse 14 kahare ho Liki e Kholo. Koranta ena e lakaletsa lihlopha tsohle tsa liki lipapali tse monate tsa selemo se secha sa 2026/2027.



Masianokeng e holisa bolo

Tšeliso Thakholi

Ele e meng ea me-hato e matla ea ho holisa le ho ntlafatsa papali ea bolo ea maoto kahare ho naha, Setsi sa Koetliso ea Bolo ea Maoto sa Masianokeng(MSA), se ile sa fana ka likhau le mangolo a tlotlang libapali tse ipabotseng selemong se fetileng sa lipapali sa 2025/2026. Mokete ona o bile holong ea Sekolo se Phahameng sa Masianokeng ka Moqebelo oa la 8 Phato monongoha.

Sepheo se seholo sa mokete ona o tsoaroang selemo le selemo ke ho lebohela bahlankana, baroetsana le bana ka tšebetso ea bona e ntle eo ba e entseng kahar'a sehlopha sa MSA le ho leb-oho botsamaisi ba MSA ka kakaretso ka likatleho tseo ba li fihletseng selemong se fetileng sa lipapali. Leha ho le joalo, botsamaisi bo boetse bo leboha bafani le bohle ba kentseng letsoho ka mokhoa o toma katlehisong ea setsi sena selemong se fetileng.

Ho sa le joalo, sebapali se hloahloa sa selemo ka ho bashanyana e bile Tsoanelo Ntlopo, ea ileng a boela a hapa khau ea ho ba sebapali se senyenane ka ho fetisisa. Ka ho banana mohloli oa likhau tse peli e bile Morabe Nthunya, ea ileng a hapa khau ea ho ba 'mapala-hare ea hloahloa le ho ba mohlaba-lintlha ea hloahloa. Sethiba-thibane se ipabotseng ka ho banana e bile Rapelang Liphoto ha ka ho bashanyana e bile Lehlohonolo Ntoane.

Haele libapali tse bonahetseng li ntlafalitse maemo a tsona a papali selemong se fetileng, e bile Pulane Thibinyane le Tlotlisang Mokhothu. Athe libapali tse ipabotseng ka boitsoaro ba tsona bo botle le papali e tsoileng matsoho tse khethoang ke libapali tse ling e bile Rethabile Mosenye le Retšepile Mose. Ba bapetseng hantle moleng o kamorao ba ileng ba abeloa likhau ke Relebohile Komane le Motlatsi Mashapha. Ho feta mona bana ba U-10 le U-15 ba bapetseng hantle ba ile ba tlotloa ka ho fuoa limentlele tsa Silifera.

H'a bua lebitsong la Setsi sa Koetliso ea Lipapali sa Masianokeng, Monghali Lemohang Tšehla o ipileli-

tse ho batsoali ho lokolla bana ho tla lipapaling, e le hore ba tle ba hole ba ena le lerato le tebileng la lipapali. A re mamati a butsoe ho bohle ba bacha ba tlabeng ba qala ho tla fumantšoa koetliso. A thoholetsa bafani ka tšebetso ea bona e ntle ea ho kenya letsoho le toma ho tšehet-sa Setsi e le hore se tsebe ho hola.

A ba kopa ho tsoelapele ka tšebetso ea bona mol-emong oa ho betlela Naha ea Lesotho moloko o mocha o nang le bokamoso bo phethahetseng. A ipiletsa ho ba sa atlehang ho kenya letsoho katlehisong ea setsi ho tsoelepele ho fana ka tšebetso ea bona, kaha leeto la ho otlala bana le ho holisa litalenta tsa bona le sa le lelelele haholo.

Monghali Litlatse Lekomola 'Mandela' ka moo a tsejoang ka teng, h'a etsa puo lebitsong la LeFA, o qalile pele ka ho thoholetsa MSA ka tšebetso e matla eo o e entseng ea ho tlotla bohle bao e ntseng e sebetse ka bona. A hlokomelisa ba fumaneng likhau le

mangolo a tlotlo, hore limpho tseo mosebetsi o moho oa tsona ke ho ba tso-sa morolo le ho ba fa matla a pakang tšebetso ea bona e ntle.

A re limpho tseo li boetse li bolela hore ba eo sebet-sa ka thata ho feta pele. A ipiletsa ho batsoali ho

fetoha karolo e kholo tšehetsong ea bana, "hobane ke ka tšebetso ea lona ba ka tsebang ho hola." A tiisa 'nete ea hore taba-tabelo ea motsoali ka mong ke ho bona ngoana oa hae a se a bapala boemong ba machaba, "me ba ka fihlela taba-tabelo eno ha fee-

la batsoali le tsoarane ka matsoho le bakoetlisi ho sebetse 'moho.

"Batsoali ha re tlang ka 'mele, pelo le moea re tlii'o thusa bakoetlisi ka ho tšehetsa bana ba rona. "Lea tseba boteng ba motsoali feela lebaleng bakoetlisi ha ba sebetse ka thata hobane batho bana ba mamela le ho feta ntho eo ho thoen- ba e etse." Ke Mandela eo.



Bakoetlisi ba ichorisa

Tšeliso Thakholi

Bakoetlisi ba bolo ea maoto ba 21 ba kenetseng mokhahlelo oa boraro oa thupelo ea Lengolo le Phahameng la CAF A Licence, ba kopane 'moho Bambatha Sports Arena, Maseru, ka Mantaha oa la 10 Phato monongoha, thupelong ea libeke tse peli e seng e haba ho tla fihla pheletsong mafelo a beke e tlang.

Thupelo ena e kenyelelit-seng bakoetlisi ba tsoang lihlopheng tse fapakaneng

tsa Liki e Kholo le tsa A Division, e tlii'o thusa Naha ea Lesotho ho holisa le ho matlafatsa papali ea bolo ea maoto e le hore ha Lesotho le qothisana lehlokoa le linaha tse ling tsa Afrika le tsa machaba le tle le tse-be ho ipabola ka papali e tsoileng matsoho.

Ho ea ka phatlalatso e ntšitsoeng ke Mokhatlo oa Lesotho oa Bolo ea Maoto(LeFA), barupeli thupelong ena ke setsebi ho hlaha Mokhatlong oa Lefatše oa Bolo ea Maoto(FIFA) Monghali Serame Letsoaka ka kopanelo le Morupeli oa LeFA oa bakoetlisi Mongha Naleli Tšilo.

Thupelo e kenyelelitse har'a tse ling lithuto tsa ka lihlo-pheng, boikoetliso lebaleng le ho tla ngola tlhahlobo ea mapomelo kamor'a hore barupeluoa ba phethele koetliso.

Barupeli ba tla ba beha leihlo le nchocho e le ho ikholisa hore e fela koetli-so eo ba faneng ka eona, e thophothetse hantle ho barupeluoa, ka ho fana ka monyetla oa ho bontša tsebo le kutloisiso ea bona holima seo ba se rutiloeng, ka ho ba fa monyetla oa ho rupela lihlopha tse nyane tse tla beng li khethiloe ho tla lebaleng.

Bakoetlisi ba kenetseng

koetliso ena ba kenyeletsa har'a ba bang ba bangata Benghali Tjamela Tjamela ea koetlisang sehlopha sa naha sa bolo ea maoto ea basali sa ba lilemo li kat-lase ho 17 sa Likhosatsana, motlatsi oa mokoetlisi e mocha oa Lioli Shoes Mokho-thu, mohlophisi oa lipapali oa sehlopha se seholo sa naha Likuena Majakathatha Moshoeshoe, LeFA TDS Mohaila Letseka, motlatsi oa mokoetlisi oa sehlopha sa naha sa Bafana Bafana e leng Helman Mkhalele le Mpho Maleka.

Sethathong koetliso ena e ne e kenetsoe ke bakoetlisi ba 23, empa ka bomalimabe e mong oa bakoetlisi Mon-ghali Setenane Setofo o ile a hlokahala kamor'a nako e khutšoanyane haholo, hang hoba a phethele mokhahle-lo oa pele oa koetliso. Ha e mong oa barupeluoa eena a ile a tlameha ho ikhula koet-lisong a e-s'o e qete ka leb-aka la mosebetsi.

Ho sa le joalo, Mokhat-lo oa Lefatše oa Bolo ea Maoto(FIFA) ka kopanelo le LeFA o tsoaretsoe ba-letsaphala ba 45 liteko tsa ho koetlisa 'mele bakeng sa ho bona hore na ba ntse ba phetse hantle 'meleng le kelellong, e le ho ithophela lipapali tsa selemo se secha sa liki.Thupelo ena ea mat-satsi a mahlano e qalileng ka Mantaha bekeng ena 'me e tla fihla pheletsong ka Labohlano bekeng ena.

